

中國文學精華

注音

柳子厚文

曾濬生選本

注音

柳子厚文

揭要

退之之評子厚文曰：「雄深雅健，似司馬子長，崔蔡不足多也。」可謂知言。要之子厚以博大富豔之才，遭時不偶，竄逐窮荒，得於廢斥閒暇之日，併力於文章；與許蕭書之哀麗，四六表啟之工巧，又韓之所無，而爲其所獨有；交相翼贊，駸駸乎排盛漢而上之也。世以韓柳並稱，不誣也。

小傳

先生名宗元，字子厚，其先蓋河東人，父鎮徙於吳。子厚少精敏，以童子得奇名；於貞元初至九年爲名進士；十九年爲材御史；二十一年以王叔文韋執誼引薦，入尚書爲禮部員外郎；俄而叔文敗，貶永州司馬；元和十年徙柳州刺史，有政

音注柳子厚文

績；十四年卒。

注音

柳子厚文

目次

封建論	一	辨文子	一一
桐葉封弟辨	七	辨鬼谷子	一二
伊尹五就桀贊	九	辨晏子春秋	一二
平淮夷雅二篇	一〇	辨鶡冠子	一四
送澥序	一三	與京兆許孟容書	一四
同吳武陵贈李睦州詩序	一五	與蕭翰林俛書	二〇
愚溪詩序	一六	與李翰林建書	二三
論語辨二首	一八	答韋中立論師道書	三五
辨列子	一九	答韋珩示韓愈相推以文墨事	

書	三九	柳州山水近治可遊者記	五五
始得西山宴遊記	四〇	零陵三亭記	五七
鉤鉞潭記	四二	序飲	五九
鉤鉞潭西小邱記	四三	序碁	六一
遊黃溪記	四四	道州毀鼻亭神記	六二
永州萬石亭記	四六	邕州馬退山茅亭記	六四
至小邱西小石潭記	四八	段太尉逸事狀	六六
袁家渴記	四九	梓人傳	七〇
石渠記	五一	種樹郭橐駝傳	七四
石澗記	五二	宋清傳	七六
小石城山記	五三	童區寄傳	七八
柳州東亭記	五四	故襄陽丞趙君墓誌銘	八〇

唐故御史周君墓碣·····	八二
唐故萬年令裴府君墓碣·····	八三
唐故給事中皇太子侍讀陸文通 先生墓表·····	八七
先侍御史君神道表·····	九〇

注音
柳子厚文

曾滌生先生選本

封建論

王者以爵土與人，爲封建；三代皆有之，至周而制益備，爵有公、侯、伯、子、男五等，地有百里、七十里、五十里之別，至秦廢之。

天地果無初乎？吾不得而知之也；生人果有初乎？吾不得而知之也。然則孰爲近？曰：有初爲近。孰明之？由封建而明之也。彼封建者，更古聖王堯舜禹湯文武而莫能去之；蓋非不欲去之也，勢不可也。勢之來，其生人之初乎？不初，無以有封建；封建，非聖人意也。

彼其初與萬物皆生，草木榛榛，鹿豕_{不音}豕，人不能搏噬，而且無毛羽，莫克自奉自衛；苟卿有言：必將假物以爲用者也。夫假物者必爭，爭而不已，必就其能斷曲直者而聽命焉。其智而明者，所伏必衆，告之以直而不改，必痛之而後畏；由是君長刑政生焉。故近者聚而爲羣，羣之分，其爭必大，大而後有兵有德。又有大

者，衆羣之長，又就而聽命焉，以安其屬。於是有諸侯之列，則其爭又有大者焉。德又大者，諸侯之列，又就而聽命焉，以安其封。於是有方伯連帥之類，則其爭又有大者焉。德又大者，方伯連帥之類，又就而聽命，以安其人，然後天下會於一。是故有里胥而後有縣大夫，有縣大夫而後有諸侯，有諸侯而後有方伯連帥，有方伯連帥而後有天子。自天子至於里胥，其德在人者，死必求其嗣而奉之。故封建，非聖人意也，勢也。

夫堯舜禹湯之事遠矣，及有周而甚詳。周有天下，裂土田而瓜分之，設五等，邦羣后，布履星羅，四周於天下，輪運而輻集，合爲朝覲會同，離爲守臣扞城。然而降於夷王，害禮傷尊，下堂而迎覲者。歷於宣王，挾中興復古之德，雄南征北伐之威，卒不能定魯侯之嗣。陵夷迄於幽厲，王室東徙，而自列爲諸侯，厥後問鼎之輕重者有之，射王中肩者有之，伐凡伯誅萇弘者有之；天下乖盪，民同無君君之心。余以爲周之喪久矣，徒建空名於公侯之上耳！得非諸侯之盛強，末大不掉之咎歟？

遂判爲十二，合爲七國，威分於陪臣之邦，國殄於後封之秦，則周之敗端，其在此矣。

秦有天下，裂都會而爲之郡邑，廢侯衛而爲之守宰，據天下之雄圖，都六合之上游，攝制四海，運於掌握之內，此其所以爲得也。不數載而天下大壞，其有由矣：亟役萬人，暴其威刑，竭其貨賄，負鋤鋌謫戍之徒，還音視而合從，大呼而成羣，時則有叛人而無叛吏；人怨於下，而吏畏於上，天下相合，殺守劫令而並起。咎在人怨，非郡邑之制失也。

漢有天下，矯秦之枉，徇周之制，剖海內而立宗子，封功臣。數年之間，犇古奔命扶傷而不暇，困平城，病流矢，陵遲不救者三代；後乃謀臣獻畫，而離削自守矣。然而封建之始，郡國居半，時則有叛國而無叛郡。秦制之得，亦以明矣。繼漢而帝者，雖百代可知也。

唐興，制州邑，立守宰，此其所以爲宜也。然猶桀猾時起，虐害方域者，失不在

於州而在於兵，時則有叛將而無叛州，州縣之設，固不可革也。

或者曰：「封建者，必私其土，子其人，適其俗，修其理，施化易也。守宰者，苟其心，思遷其秩而已，何能理乎？」余又非之。

周之事跡，斷可見矣：列侯驕盈，黷貨事戎，大凡亂國多，理國寡；侯伯不得變其政，天子不得變其君，私土子人者百不有一；失在於制，不在於政，周事然也。

秦之事跡，亦斷可見矣：有理人之制，而不委郡邑是矣；有理人之臣，而不使守宰是矣。郡邑不得正其制，守宰不得行其理，酷刑苦役，而萬人側目，失在於政，不在於制，秦事然也。

漢興，天子之政，行於郡，不行於國；制其守宰，不制其侯王。侯王雖亂，不可變也；國人雖病，不可除也。及夫大逆不道，然後掩捕而遷之，勒兵而夷之耳。大逆未彰，姦利浚財，怙勢作威，大刻於民者，無如之何。及夫郡邑，可謂理且安矣。何以言之？且漢知孟舒於田叔，得魏尚於馮唐，聞黃霸之明審，覩汲黯之簡靖，拜之可也，

復其位可也，臥而委之以輯一方可也。有罪得以黜，有能得以賞。朝拜而不道，夕斥之矣；夕受而不法，朝斥之矣。設使漢室盡城邑而侯王之，縱令其亂人，戚之而已。孟舒、魏尚之術，莫得而施；黃霸、汲黯之化，莫得而行。明譴而導之，拜受而退，已違矣；下令而削之，締交合從之謀，周於同列，則相顧裂眦，才詣切勃然而起。幸而不起，則削其半；削其半，民猶瘁矣。曷若舉而移之以全其人乎？漢事然也。

今國家盡制郡邑，連置守宰，其不可變也固矣！善制兵，謹擇守，則理平矣。

或者又曰：「夏商周漢封建而延，秦郡邑而促。」尤非所謂知理者也。魏之承漢也，封爵猶建；晉之承魏也，因循不革；而二姓陵替，不聞延祚。今矯而變之，垂二百祀，大業彌固，何繫於諸侯哉？

或者又以爲：「殷周聖王也，而不革其制，固不當復議也。」是大不然！夫殷周之不革者，是不得已也。蓋以諸侯歸殷者三千焉，資以黜夏，湯不得而廢；歸周者八百焉，資以勝殷，武王不得而易。徇之以爲安，仍之以爲俗，湯武之所不得已

也。夫不得已，非公之大者也，私其力於己也，私其衛於子孫也。秦之所以革之者，其爲制公之大者也；其情私也，私其一己之威也，私其盡臣畜於我也。然而公天下之端自秦始。

夫天下之道，理安，斯得人者也。使賢者居上，不肖者居下，而後可以理安。今夫封建者，繼世而理，繼世而理者，上果賢乎？下果不肖乎？則生人之理亂，未可知也。將欲利其社稷，以一其人之視聽，則又有世大夫，世食祿邑以盡其封略；聖賢生於其時，亦無以立於天下，封建者爲之也；豈聖人之制使至於此乎？吾固曰：『非聖人之意也，勢也。』

【榛榛】梗塞蕪穢之貌。

【狻狻】獸蠢動貌。

【方伯】諸侯之長。

【連帥】十國爲連，連有帥。見禮王制。

【里胥】周

禮：里宰掌比其邑之多寡。又：閭胥各掌其閭之徵令。

【朝覲】春見曰朝，秋見曰覲。

【會同】諸侯時見曰會，殷見曰同。殷，衆也。

【扞】衛也。

【夷王】名褒，懿王子，元年下堂而見諸侯，觀禮始廢。

【宣王】名靖，厲太子。

【定魯侯之嗣】魯武公九年，

與長子括，少子戲朝王，命戲爲魯世子，按此言廢長而順魯侯立幼之意。

【幽厲】幽名宮涅，宣王子，厲王名胡，夷王子。

【王室

東徙】平王畏犬戎，遷都洛。

【問鼎】左宣：楚子觀兵于周疆，問鼎之大小輕重焉，按有藐視王室之意。

【射王】桓王以諸侯

伐鄭，戰於繡葛，王卒大敗，祝聃射王中肩。

【凡伯】周卿士，左隱王使凡伯來聘，還，伐之於楚邱以歸。

【萇弘】周大夫，初，劉氏

范氏，世爲婚姻，萇弘事劉文公，故與范氏，晉趙鞅以爲討，周于是遂殺萇弘。

【十二】魯齊晉秦楚宋衛陳蔡曹鄭燕是也。

【陪

臣之邦】指魏韓趙齊而言，蓋三家分晉，田氏篡齊，俱由陪臣而爲諸侯，

【後封之秦】平王東遷，秦襄公以兵送王，王封襄公爲

諸侯，賜岐豐地，秦始大。

【裂都會二句】秦始皇既并天下，分天下爲三十六郡，郡置守、尉、監。

【負鋤挺句】陳涉吳廣以戍

卒起事，時秦收兵器，民間無此，故用鋤挺以抗秦。

【葬命句】指英布陳豨韓王信反叛等事。

【平城】今山西大同縣，高帝七年，

擊匈奴，被困平城七日。

【病流失】高帝擊黥布，中流失。

【陵遲】如丘陵遲迤，漸卑下也。

【謀臣句】此指嚴錯爲景帝畫

策七國削地事。

【浚】取也。

【孟舒】文帝問田叔曰：公知天下長者乎？對曰：雲中守孟舒，長者也。

【田叔】趙郡涇城人，爲漢

中守。

【魏尙】與平人，爲雲中守，善待士卒，匈奴畏之。

【馮唐】文帝嘗與語曰：嗟乎！吾獨不得頗牧爲將耳，豈愛匈奴哉？唐因言

【魏尙】即使復爲雲中守。

【黃霸】字次公，陽夏人，爲潁川守，得吏民心。

【汲黯】字長孺，召拜淮陽守，黯謝不受，武帝曰：淮陽吏民

不相得，吾徒得君之重，臥而治之。見本傳。

【戚】親也。

【裂眦】怒甚也，眦，睛外之眼角。

桐葉封弟辨

古之傳者有言，成王以桐葉與小弱弟，戲曰：「以封汝。」周公入賀，王曰：「戲也。」周公曰：「天子不可戲。」乃封小弱弟於唐。吾意不然：王之弟當封耶？周公

宜以時言於王，不待其戲而賀以成之也。不當封耶？周公乃成其不中之戲，以地與人，與小弱者爲之主，其得爲聖乎？且周公以王之言，不可苟焉而已，必從而成之耶？設有不幸，王以桐葉戲婦寺，亦將舉而從之乎？

凡王者之德，在行之何若，設未得其當，雖十易之不爲病，要於其當，不可使易也；而況以其戲乎！若戲而必行之，是周公教王遂過也。吾意周公輔成王，宜以道，從容優樂，要歸之大中而已，必不逢其失而爲之辭，又不當束縛之，馳驟之，使若牛馬然，急則敗矣。且家人父子，尙不能以此自克，況號爲君臣者耶！是直小丈夫缺_{缺音}缺者之事，非周公所宜用，故不可信。

或曰：『封唐叔，史佚成之。』

【成王】名誦，武王子，年十三嗣位。

【小弱弟】即叔虞。

【唐】今河北唐縣。

【逢】迎合也。孟子：逢君之惡其罪大。

【缺缺】

小智也。

【史佚】周太史，名佚。

伊尹五就桀贊

伊尹五就桀，或疑曰：「湯之仁聞且見矣，桀之不仁聞且見矣，夫胡去就之亟也？」烏音柳子曰：「惡！是吾所以見伊尹之大者也。彼伊尹聖人也。聖人出於天下，不夏商其心，心乎生民而已。」曰：「孰能由吾言？由吾言者爲堯舜；而吾生人堯舜人矣！」退而思曰：「湯誠仁，其功遲，桀誠不仁，朝吾從而暮及於天下可也。於是就桀，桀果不可得；反而從湯。」既而又思曰：「尚可什一乎？使斯人蚤被其澤也？」又往就桀，桀不可，而又從湯。以至於百一千一萬一，卒不可，乃相湯伐桀，俾湯爲堯舜，而人爲堯舜之人，是吾所以見伊尹之大者也。」

仁至於湯矣，四去之；不仁至於桀矣，五就之；大人之欲速其功如此。不然，湯桀之辨，一恆人盡之矣，又奚以憧憧聖人之足觀乎？吾觀聖人之急生人，莫若伊尹；伊尹之大，莫若於五就桀。作伊尹五就桀贊。

聖有伊尹，思德於民，往歸湯之仁，曰：「仁則仁矣，非久不親。」退思其速之道，宜夏是因就焉不可復反，亳殷猶不忍其遲，亟往以觀。庶狂作聖，一日勝殘，至千萬冀一卒無其端，五往不疲，其心乃安，遂升自陟，而音黜桀尊湯，遺民以完。大人無形，與道爲偶，道之爲大，爲人父母。大矣伊尹，惟聖之首，既得其仁，猶病其久。恆人所疑，我之所大，嗚呼遠哉！志以爲誨。

【惡】歎辭。

【憧憧】不定貌，易：憧憧往來。

【亳殷】地名，即西亳。

書序：盤庚五遷，將治亳殷。按在今河南偃師縣，湯始都南亳，後徙西亳，南亳在河南商邱縣。

【陟】地名。書序：伊尹相湯伐桀，升自陟。傳：陟在河曲之南。

平淮夷雅二篇

皇武，命丞相度董師，集大功也。

皇者，音旨

其武，於澌，音殷

於淮，既巾乃車，環蔡其來，狡衆昏囂，音銀

甚毒於醒，音呈

狂

奔叫，音餽

以干大刑。

皇咨於度，惟汝一德，曠誅四紀，其徯，音奚

汝克，錫汝斧鉞，其

往視師，師是蔡人，以宥以釐。

度拜稽首，廟於元龜，既禱。

屬音

既類，於社是宜；金節

煌煌，錫盾雕戈，犀甲熊旂，威命是荷。

度拜稽首，出次於東，天子餞之。

疊皆畢啞

是崇，鼎臠

切奴報

俎，載

切資四

五獻百遷，凡百卿士，班以周旋。

既涉於澹，

產音

乃翼乃

前，孰圖厥猶？其佐多賢。宛宛周道，於山於川，遠揚邇昭，陟降連連。

我旆我旂，於

道於陌，訓於羣帥，拳勇來格，公曰徐之，無恃頡

我陌切

頡，式和爾容，惟義之宅。進

次於郕，

偃音

彼昏卒狂，裒兇鞠頑，鋒蝟

胃音

斧螳

唐音

赤子匍

蒲音

匍

伏音

厥父是亢，怒其萌

芽，以悖太陽。

王旅渾渾，是佚是怙，

戶音

既獲敵師，若飢得餉，

步音

蔡兇伊窘，

巨切

隕

悉

起來聚，左擣

倒音

其虛，靡愆厥慮。

載關載祓，

勿音

丞相是臨，弛

豕音

其武刑，諭我德心，

其危既安，有長如林，曾是謹

歎音

譎，

切女交

化爲謳吟。

皇曰來歸，汝復相予，爵之

成國，昨

昨音

以夏墟。

虛音

度拜稽首，天子聖神，度拜稽首，皇祐下人。

淮夷既平，震是

朔南，宜廟宜郊，以告德音，歸牛休馬，豐稼於野，我武惟皇，永保無疆。

方城，命懃守也，卒入蔡得其大醜，以平淮右。